




**Placcaet vande ridderschap, eedelen ende steden van  
Hollandt ende West-Vrieslandt, representerende den staten  
vanden selven landen, nopende het aenbrenghen vande  
prebenden canonicael, officien, beneficien, scholasterijen,  
vicarijen ende costerijen, staende ter collatie vande  
graeflickheydt der voorsz landen, ende vande gheestelijcke  
lichamen ende collegien der selver, mitsgaders vanden  
ghenen die hun byden vyanden des vaderlandts begheven  
hebben, ende de parthye der selver zijn houdende, op de  
peynen daerinne begrepen**

<https://hdl.handle.net/1874/9361>

# PLACCAET

## Vande Ridderſchap /

Cedelen ende Steden van Hollandt ende  
Weſt-Vrielandt / repreſenterende den Staten vanden ſelven  
Landen / Nopende het aenbrengen vande prebenden Cano-  
nicael/officien / beneficien / ſcholalterijen / vicarijen ende coſte-  
rijen / ſtaende ter collatie vande Graefflichheit der voorsz Lan-  
den / ende vande gheefftelijcke lichamen en collegien der ſelver /  
mitſgaders vanden ghenen die hen byden byvanden des  
vaderlandts begheven hebben / ende de partijne  
der ſelver zyn houdende / Op de pen-  
nen daerjme begrepen.



IN s'GRAVENHACHE,  
By Aelbrecht Heyndricksz. Drucker Ordinaris der  
Heeren Staten s'Landts van Hollandt. Anno 1591.

**D**e Ridderſchap / Eedelen ende  
Steden vā Hollandt ende West-Vrie-  
landt / representerende den Staten  
vanden zelven Lande / Allen den ghee-  
nen die dese jeghenwoordighe zullen  
ſien ofte hoozen leſen / Saluyt: Alſoo onder andere  
gherechtigheden / de Graefflickheyt van Hollandt en-  
de West-Vrielandt van allen ouden tijden ghecom-  
peteert ende toegekommen hebbende / mede is t'recht  
van Patronaetſchap / ende collatie van verſcheyden  
prebenden Canonicael / officien / beneficien / ſcho-  
laſterijen / vicarijen ende coſterijen / in verſcheyden  
kercken ende Godshuſen binnē den voozſ Lande:  
Dat mede aende voozſ Graefflickheyt ghekommen  
ende ghedevolueert zijn de goederen ende rechten van  
verſcheyden gheestelicke lichamen ende collegien /  
mitsgaders vanden ghenen die hen byde vyanden  
des ghemeene Vaderlandts begheven hebben / ende  
de parthye vande ſelbe zijn houdende / Ende over-  
zulcr oock t'recht van Patronaetſchap / twelck deſel-  
ve gheestelicke lichamen / collegien ende anderen / hen  
byden vyandt begheven hebbende / ende de parthye  
vande ſelbe houde / gecompeteert heeft: Ende dat tze-  
dert den jeghenwoordighen Oorloghe / verſcheyden  
perſoonen hen verbordeert hebben de collatien van-  
de ſelbe prebenden / beneficien / officien / ſcholaſte-  
rijen ende Coſterijen tot hen te trecken / de ſelve con-  
fererende den ghenen die hen goet-ghedoehet heeft /  
ende deſelve ſtilſwighende occuperende / Ende dat  
ergher is / hen niet en ontsien de goederen totte ſel-  
ve prebenden / beneficien / officien / vicarijen / ſcho-

lasterijen ende costerijen behoozende / onder te slaen/  
t'incorporeren / ende vooz hen eyghen te blijven besit-  
ten / ende oock alle vrye goederen te alieneren / Waer  
deur de gherechticheden vande voozsz Landen groo-  
telix souden worden vermindert / ten waere by ons  
daerjanne werde voozzen: **SOO IST** dat wy by ad-  
vys vanden President ende Raede vande Hobe Pro-  
vinciael vande voozsz Landen / Gheordonneert heb-  
ben ende ordonneren by desen, **Dat** een peggelick wie  
hy zy / die buyt voozgaede deuchdelijcke titule eenige  
Canonier poven / vicarijen / officier / beneficien / scho-  
lasterijen / costerijen / ofte eenige goederen totte selve  
specterende / besit / tzy buyt sijns zelfs name ofte buyt  
naeme van anderen / daer van de collatie / ende t'recht  
van Patronaetschap de voozsz Graeflickheyt compe-  
teert / ofte eenighe geestelijcke lichamen ofte collegien /  
ofte eenige persoonē houdende de parthye vande ge-  
meene byanden deser Landē / **Dat** deselve heure titu-  
len / ofte copie autentijcq van diē / met pertinente spe-  
cificatie ofte verclaringe vande landen / renthen ende  
andere goederen totte selve prebenden / officien / bene-  
ficien / vicarijen / scholasterijen en costerijen behoozen-  
de / met oock pertinente aenwijsinghe vande ghele-  
ghentheyt / belenden / jaerlijcke incommen ende byzuc-  
kers der landen / debiteurs ende hypoteecke der ren-  
ten / pachten ofte rhynsen / sonder yet te verzwijghen /  
binnen vier maenden eerstkommende naede publica-  
tie van desen byengen ofte leynden zeeckerlick in han-  
den van Meester Nicolaes van Zeyst Advocaet vooz-  
den Hobe van Hollandt / den welcken wy daer toe ge-  
committeert hebben / **Om** alle tselve by hem gheregi-  
streert

kreert te worden / Op peyne dat soo wie hier van in  
ghebzecke sal blijven / ofte eenighe prebenden / benefi-  
cien / vicarijen / officien / scholasterijen ofte coste-  
rijen / daer naer bebonden sal worden te besitten / buyt  
zaecke van voozgaende deuchdelicke titule / dat desel-  
ve den voozsz tijdt overstreecken zijnde metter daedt /  
ende sonder dat van noode sal wesen eenighe andere  
sententie ofte verclaringhe te verwachten / verballen  
sal wesen van sijn recht / Ende sal aldan mette selve /  
ende de goederen daer toe specterende / by ons ghe-  
daen worden / soo wy bevinden zullen tot der Landen  
dienste te behooren: Ende zullen de occupateurs der  
voozsz rechten ende goederen daerenboven arbitra-  
lick worden ghecorrigeert / als de ghene die ter qua-  
der trouwen des Graeflickhepts rechten hebben wil-  
len verminderen. Ende aengaende de ghene dwelcke  
eenighe vande selve prebenden / officien / beneficien /  
vicarijen / scholasterijen ende costerijen / ofte eeni-  
ghe goederen totte selve behoorende / besitten ende oc-  
cuperen / sonder eenighe collatie ofte andere deuchde-  
ijcke ende rechtvaerdighe titule / Dat deselve alsoo  
danighe prebenden / beneficien / officien / vicarijen /  
scholasterijen ende costerijen / ende de goederen tot-  
te selve behoorende / met pertinente verclaringhe als  
voozen binnen een ghelijcke tijdt zullen aubzenghen  
aendé voozsz Heester Nicolaes van Zeyst / en daer van  
afstandt doen / op de verbeurte vande waerde der  
selver goederen / boven de restitutie der selver en van-  
de vruchten van dien / Daerjme wy verstaen dat de-  
selve onwillighe occupateurs in alle rigeur ghecon-  
dempneert zullen worden by onse Ghecommitteerde

**Kaeden / De welcke wy ordonneren inde processen  
ende gheschillen die ter oorzaecke voorszreven ghein-  
tenteert zullen worden sommierlick te procederen / Al-  
soo wy tselve tot der Landen dienst hebben bevonden  
te behooren. Ghegheven inden Haeghe onder tZe-  
ghel vanden Staten hier op ghedruckt in forme van  
Placcate den naestlesten Junij / Int jaer ons Heeren  
vijfchienhondert een ende tnegentich. Onder stonde:  
Ter Ordonnancie vanden Staten / Gheteeckent /**

*C. de Rechtere.*